

萬物道之末也皆水也故川谷歸其所鍾皆道也故萬物賓其所宗

道真仁靜先生曹道沖曰江海水之宗川谷水之派異流終返於源百慮同歸於道

黃茂材曰人之於道如川谷之赴江海無有不至惟其不知道之所在故有橫流絕港之患

知人者智章第三十三

知人者智自知者明

御註曰傳曰智如目也能見百步之外而不能自見其睫察人之邪正若辨白黑是智之事知人而已易曰復以自知傳

道藏輯要

道德真經
彭鶴林集註

三

心集七
川上文

曰內視之謂明智以知人則與接為構日以心鬪復以自知者靜而反本自見而已天地之鑑也萬物之照也

碧虛子陳景元曰知人善惡而分別之之謂智故曰知而言之所以之人也是謂適人之智而已矣而不自知者也自知而默守之之謂明故曰知而不言所以之天也是謂自適其明而已矣此可以超乎智之上也

穎濱蘇轍曰分別為智蔽盡為明分別之心未除故止於知人而不能自知蔽盡則無復分別故能自知而又可以及人也

道真仁靜先生曹道沖曰智以達外但能知人明以照內自

靈於身

葉夢得曰自知者見性知人者未必能見性爲智而已智者有別乎外也故見性而後爲明明則無所不照也

清源子劉驥曰知人則有見於外故曰智自知則反照於內故曰明

黃茂材曰人之情僞無窮吾之智有限烏得而盡知之一人之情千萬人之情也如能自知孰能逃吾所知故智不如明程大昌曰莊子曰吾所謂明者非謂其見彼也自見而已夫不自見而見彼是得人之得而不自得其得者也此則智明之辨也

道藏輯要

道德真經
彭鶴林集註

夫

心集七
川八一

林東曰智則不無於窺伺揣度而明則如日月之容光必照者

勝人者有力自勝者強

御註曰至人尙德而不尙力自勝而不務勝人智者若愚勇者若怯此勝人也而所恃者力勝己之私以直養而無害穎濱蘇轍曰力能勝人而不能及我我能克己復性則非力之所及故可謂強矣

道真仁靜先生曹道冲曰勝人者謂有形質才力勝己謂能勝於情欲性正而神強

陳象古曰智與力行於外者也明與強行於內者也明則省

已無遺強則進道有漸

葉夢得曰自勝者克己勝人者未必克己為有力而已故克己而後為強強則無所不敵也

清源子劉驥曰智足以知人則能勝人而不為人物所惑故曰力明足以自知則能自勝而不為情欲所使故曰強

黃茂材曰有力者可以勝人力所不及烏能勝人吾能自勝不與物爭強莫甚焉

知足者富

碧虛子陳景元曰謂止其欲也

穎濱蘇轍曰知足者所遇而足則未嘗不富矣雖有天下而

道藏輯要

道德真經
彭鶴林集註

堯

心集七
川

常挾不足之心以處之則是終身不能富也

道真仁靜先生曹道沖曰雖貧若富也

陳象古曰得一不求二自足於心所以為富不在多也

葉夢得曰求富者終無已也苟以為足則簞食瓢飲亦可以為富矣

清源子劉驥曰既有勝人之力又有自勝之強則知取足於身而萬物皆備於我其有萬不同之富何以加焉易曰富有之謂大業亦此之謂也

黃茂材曰鶴鷄巢於深林不過一枝偃鼠飲河不過滿腹人而知足其用無窮故謂之富

強行者有志

御註曰自強不息斯志於道

碧虛子陳景元曰強行者謂勤而行之也

穎濱蘇轍曰不與物爭而自強不息物莫能奪其志也

臨川王安石曰上士聞道勤而行之故強行者有志

道真仁靜先生曹遵冲曰大道雖遠強行不息曰進曰近不覺與道混而爲一凡有志者無事不集

黃茂材曰自強不息所以體天行健非有道者孰能之

林東曰有志於行則凡物莫能奪其志而自強不息之效可與天同其健

道藏輯要

道德真經
彭鶴林集註

卷一
心集七

不失其所者久

御註曰立不易方故能久於其道與時推移與物轉徙者可暫而已

涑水司馬光曰得所則安

穎濱蘇轍曰物變無窮而心未嘗失則久矣

道真仁靜先生曹道冲曰外安其分內存於道未有不久者也

陳象古曰得其所則安於道安於道則可久

葉夢得曰所者人之所安也人之所安莫大於道易曰艮其止止其所也所猶有在道變通不窮則無所不在隨所在而

安之孰不可爲久者所謂道乃久也

黃茂材曰新故相代變化不停吾能不失其常故吾往而新吾至是爲長久

死而不亡者壽

御註曰生有所乎萌死有所乎歸原始反終故知死生之說聖人通乎晝夜之道而知死之未始異於生故其形化其神不亡與天地並而莫知其極非壽而何

涑水司馬光曰身沒道存

穎濱蘇轍曰死生之變益大矣而其性湛然不亡此古之至人能不生不死者也

道藏輯要

道德真經

三

心集七

臨川王安石曰聖人死而不亡者無異於生故曰死而不亡者壽

王雱曰賢人死曰鬼盡其道以及真者也聖人死曰神未嘗死未嘗生也愚人死曰物雖生猶死耳盡道養形之人雖形體萬變而真性湛然無所終極可謂壽矣此至於命者也

陸佃曰言死生之未始有異也夫唯死生同狀而萬物一府故夫身如蜎甲蛇蛻寓之而已矣蓋蜎之甲已死而其蜎未嘗亡蛇之蛻已腐而其蛇未嘗喪何則有真者雖死不滅也又曰佛氏之不滅與此同意

道真仁靜先生曹道沖曰形骸有極妙者長存

陳象古曰死不可免形氣漸盡有生者之常也其不亡者因自知自勝知足強行不失其所而有守焉此為壽之實也非世人百歲之所可同日而語

清源子劉驥曰四肢百體將為塵垢死生終始將為晝夜以其入於不死不生而死生無變於己故死而不亡者壽非深造於道者孰能與此

黃茂材曰古之真人不知悅生不知惡死其出不忻其入不距翛然而往翛然而來而已夫如是又烏有死生哉

本來子邵若愚曰形雖死而性不亡處於不生滅之鄉萬劫常存者是謂壽

道藏輯要

道德真經
彭鶴林集註

三

心集七
川卷上

大道汎兮章第三十四

大道汎兮其可左右

御註曰汎然無所繫故動靜不失往來不窮左之右之而無不可

碧虛子陳景元曰汎汎乎滿乎太空而無所繫著者其惟道之體乎或可於左或可於右皆逢其原而無所不周者其惟道之用乎

穎濱蘇轍曰汎兮無可無不可故左右上下周旋無不至也王雱曰汎然不倚一物故用之無所不通

葉夢得曰易曰一陰一陽之謂道易之言道以陰陽而老氏